
TUHAQTITJUTAA

NAUNAITKUTAA KINGNGUAGUT

UATAANI HIVULIQTIT KATIMATJUTAA 2010:

IMAKMUT UQAQTANGINNUT PILAARUTINUT

Malikhugu titiraqhimyangit uumani Uataani Hivuliqtiit Imakmut Uqaqtanginnut Pilaarutinut, angiktauhimayut uumani Immaktirvia 15, 2010.

Taimailuqhimagaluaqtitlugu imak atuqtauhimmaaktauvaktuq tamainni inuuhirmi nunami aallamitlu pivikhattuni imakmut, unalu

Taimailuqhimagaluaqtitlugu ihuaqtuq halumayuq imak atuqtakhakktut inungnut aanniartailinirmut, halumanirmut inuuhirmilu atuqhimmaakhugu nunakaktuni, unalu

Taimailuqhimagaluaqtitlugu imak itjutaani ihuaqtuq ikayuutikhaq avatingnut aanniartailinirmut, munarilugit iqalukhiuktut, hulilukaaktitlugit ilaupkaklugillu aquivaktut, unalu

Taimailuqhimagaluaqtitlugu imak atuqtauhimmaaktauvaktuq nauttiivaktunut atuqtauhimmaaktauniaqhunilu havakvikyuanut pivikhanullu pivalliatjutikhainut, unalu

Taimailuqhimagaluaqtitlugu hilaup aallannguqtirutaa tatja ihuirutigiliktaa pivikhakktut, unalu

Taimailuqhimagaluaqtitlugu Kanatamiutat ilitariyaat havaktakharivlugu piyakhakktut munarilugu imakmut North America-kunut nunakyuamullu piyakhamullu ihuaqhihimaakpaklugu imiktarvikktut naguuvagiani havakpaklugu, unalu

Taimailuqhimagaluaqtitlugu Kanatamiutat pitjutikhakaktut ikayuklutik naunaittitlugu nunakyuami imiktarvikhaptingnut pitjutait piliuqpallialugit ihuaqhilugillu nutaat ihuaqtut havaktauyakhallu ukuatlu hivuliqtiit pivallianirmi niuvvaanirmullu nutaanik pitjutikhanik havaktauyunilu ihuaqhiyaangani imakmut munaritjutait nunakyuami, unalu

Taimailuqhimagaluaqtitlugu, aviktuqhimayuni nunanilu ilitariyait imiktarviit makivaktut kugaanut tariumullu maliyuitait aviktuqhimayumi nunamillu nunamut naunaitkutait, unalu

Taimailuqhimagaluaqtitlugu aviktuqhimayuni nunanilu ilitariyait ihuaqhittaaktavut uukturpaktavut havakatigiikluta paanariikluta havaktauyaanginni ihuaqtumik havaktauhimayut munaritjutinut imiktarviknik munariyauvlutik tammaktailivlugu ihuaqtuq imiktarviit aviktuqhimayuni.

Taimaatuttauk angiktavut ukuat:

- Ihuaqhilugu imanut munartitjutit tammaktailitjutillu pilluagakharivlugu nunakaktunut kavamamingnullu.
- Imamik atuqpaktunut ihuaqhilugit, aullaktirutigilugu aghuurutigilugu imamik atuqpaktut piliurianginni Imakmut Munaritjutikhanut, Ihuaqtunik Naguuyuniklu Upalungaiyautikhanik.
- Angikliyuumilugu imakmut munaritjutikhavut uukturhugit havakatigiikluta atuqlugit naunaitkutivut imakmut munaritjutikhanut naguuyaakhainullu immat.
- Havakatigilugit haamlatkut naunairianginni pikarianginni upalungaiyautikhanik atuqtakhamingnik imakmut pitjutainut qilamiurutinut ihuaqhilugillu ihuatqiyat atukatigiiklugit naunaitkutikhat upalungaiyautikhat nunallaani.
- Pitqulugit Kanatamiutat Kanatamilu havakviit hivuliqtiukulugit pivallianirmnut niuvvaanirmullu nutaanik atuqtakhanik havaktauyakhaniklu imakmut munaritjutikhanut tammaktailinirmullu.
- Havakatigilugit inuit havakviillu hulilukaarutikhamut Nunakyuami Imakmut Ublua – Qiqaiyaqvik 22, 2011 – nunakyuami hulilukaarut naunaittumik havakatigiikhutiklu piyunik qaangani ittunut pilluagakhanut.
- Havakatigilugit Nunaqaqtuni kavamatkut tahapkununga nunamingnut naunaitkutainut pikatigiigutimingnik ihumagiyaayanut.